

عقد المشاعر

عابر السيد السقا

السيد السقا، صابر .

وجفت المشاعر . تأليف/ صابر السيد السقا .

التصنيف : ديوان شعر

٢١ سم ، ٦٧ ص

تدقيق لغوي وإخراج فني وتصميم الغلاف

يوريكا لخدمات النشر



01288627690

eureka4publishing@gmail.com

بالتعاون مع

دار المثقفون العرب للنشر والتوزيع

الطبعة الأولى

رقم الإيداع : ٢٧٤٠

جميع الحقوق محفوظة و يحظر طبع أو تصوير أو تخزين أى جزء من

الكتاب بأية وسيلة من وسائل تخزين المعلومات

إلا بإذن كتابي صريح من الناشر

മുഖ്യമന്ത്രിയുടെ ഉദ്ദേശ്യം
മുഖ്യമന്ത്രിയുടെ ഉദ്ദേശ്യം
മുഖ്യമന്ത്രിയുടെ ഉദ്ദേശ്യം
മുഖ്യമന്ത്രിയുടെ ഉദ്ദേശ്യം

أنتِ حدِ غالي عندي

أنتِ حدِ غالي عندي
روحك روحي ساكنة قلبي
مهما أداري مهما أخي
حي ليك في العين بيان
مهما تغيبني بردو حببتي
عارف إنك بتجيبني سيرتي
وأنا طول عمري في يومي ووقتي
علي قلبك مشغول قلقان
ولما بتيجي بيكون عيدي
دمي بيرقص جوا ويريدي
مش سيعاني الدنيا بحالها
وقلبي بيبقي سعيد فرحان
بعشق صوتك وقت كسوفك
رعشت قلبك نظرة خوفك
لما بتندهي ليا بإسمي
إحساس حلو بيغمر جسمي
بنسي ساعتها الدنيا بحالها
بهمومها وكل أحوالها
وإن أنا كائن تاني في حضنك
وإن أنا مش مولود إنسان

لو بتفكر فيًا

لو بتفكر فيًا
 أو وحشاها عينيًا
 كانت سألت عني يا قلبي
 كانت حست بيًا
 كانت رجعت لو حبتني
 مش لنار البُعد سايني
 كانت جات م الحزن داويتني
 وسقتني من قلبها حنيّة
 كانت تفرح لما تشوفني
 مش تداري ولا تعرفني
 وتضحك مع كل الناس
 مش عاملة حساب أبدًا ليًا
 أنا غلِطت يا قلبي سامحني
 كان نفسي في حد يفرحني
 مش حد يهيني و يجرحني
 ويزود الهم عليًا
 كان نفسي في حب بإخلاص
 كان نفسي أكون زي الناس
 اللي بتعشق واللي تحب
 من غير خوف من غير كذب

من غير أي مصالح بينهم
من غير أي إحساس بالذنب
من غير غدر ومن غير هجر
من غير أي دموع وأسياء

يتوه الصبر مني

يتوه الصبر مني
 بعد ما كنت بغني
 قلبي يشتكيلي
 وأبكي غصب عني
 حبيب الروح فايطني
 وأنا بقول ياريتني
 ما كنت عرفت قلبه
 ولا عينه جات ناديتني
 سألت عنه كثير
 بعّت له مراسيل
 رجعلي ليلة واحدة
 والله فيه الخير
 ياليسيسيسيل
 خلي نھاري طويل
 متجيسيسيش
 من غيره ببقني ذليل
 ويطول عليا السهر
 بين النجوم والقمر
 ودموعي نازلة مطر
 وأجيب منين مناديل

هو الحب إيه؟

هو الحب إيه؟
 علشان إحنا نداريه
 ونخاف منه ونهرب
 منسيبشي روحنا ليه
 هو الحب عيب؟
 والا علم غيب؟
 علشان نعمل حسابه
 ونقول للناس عليه
 هو الحب إيه
 غير حد نخاف عليه
 لو كان مجروح وعائش
 حزين إحنا نداويه
 هو الحب إيه؟
 غير قلب إدانا روحه
 وروحنا دايبه فيه
 دا الحب أجمل ما فينا
 أرواح حلوة تلاقينا
 قلوب عطشانة دائماً
 والحب اللي بيروينا

في وقت ما كنت محتاج لك

في وقت ما كنت محتاج لك
 لقيتك.. بس غرقانة
 في حب جديد وبتخبي
 تملي عينيكَ سرحانة
 بتبقي معايا مش حساني
 بكل ما فيكِ نكراني
 وأنا في حضنك ومشتاقلك
 بأحس بياني وحداني
 سألتك قولتي دا الفرحة
 برجوعك ليا وخداني
 يا ساكن قلبي من جوا
 يا أسر كل وجداني
 بحبك حب يا عمري
 بحبك.....!!!
 ولسانك قال واحد تاني
 لقيتني القلب دق كتير
 وعقلي إتشل م التفكير
 ودار جوايا ميت تفسير
 وجسمي وراسي وجعاني

صرخت بأعلي صوت فياً
وقولت الآها مدويّة
وسال الدمع في عينيّاً
أتاري وداني مش سمعاني
وقعت وروحي راحت مني
في دنيا تانية غصبٍ عني
وفوقت لقيتني في الإنعاش
مش عارف مين اللي وداني
وأنا مش قادر أتكلم وبتألم
جراح في القلب بتعلم
وراح صوتي وجا سكوتي
ولك يارب بتظلم
من الجاني وأحزاني
اللي سببها يارب خففها
وفيها يوم أنا اشوفها
وبتبكي بدم أدامي

وجفت المشاعر

وجفت المشاعر
 وبعدت المسافات
 وخسارتك يا شاعر
 علي وقتك اللي فات
 ضيعته في حب ناس
 مش قادرين يفهموك
 خدوا منك الأساس
 وفي الآخر سابوك
 الله يعوض عليك
 الله يعوض عليك
 دا كفاية يا قلبي إنك
 عشت لك يومين
 حسيت فيهم كأنك
 مولود في جنتين
 ونسيت كل الآلام
 والوحدة والظلام
 في ليل مفهوش كلام
 زي العاشقين
 ييقي المفروض تقول له
 شكراً يا حبيبي

شكراً علي كل حاجة
كانت من نصيبي
وإواعاك تبكي وتحزن
بُكرا اللي جِي أحسن
واللي فات من حياتك
هيكون ذكري في سنين
وتقول دا كان حبيبي
ودوايا وكان طيبي
لو شوفته تاني تفرح
بس من غير حنين
بس من غير حنين

و انقطع الاتصال

وانقطع الاتصال
 وبقيت وحيد في ليلي
 نفسي أسألك سؤال
 هتعود إمتي يا طيري
 متغيبش عليا
 عشان وحداني
 من غيرك قلبي
 اللي بيعشق روحك بيعاني
 مش هعرف أعيش ولا ثانية في بعدك
 غير ودموعي سبقتني
 يا حبيبي بجمك
 وإتعودت عليك
 مش عارف إزاي أنا هتحمل
 وإزاي ألاقك
 نفسي أسمع صوتك بوداني
 يا ساكني وآسر وجداني
 وأشوفك صدفة ولو مرة
 وأضمك وأداريك في أحضاني
 أنا حاسس إنك مش هتغيب
 ولا قلبي يهون علي أغلي حبيب

أنت هترجعلي الليلة يا عمري
ومعاك الفرحة كمان هتجيب
أنا هستناك
مش هقدر أنام غير وأنا وياك
وتاخدني في حضنك يا حبيبي
وأشم هواك
وأحس الحب اللي في قلبك
وكلام دقاته
أنا عارف إن أنا جواه
شئ غالي في حياته

أنا في انتظارك

أنا في انتظارك
 طال الغياب
 والقلب داب
 من البعاد
 ياريتني جارك
 كنت إرتميت
 في حضن قلبك
 إرتويت
 من نبع حبك يا حبيبي
 وبحنانك يوم دويت
 كل الجراح
 كل الآلام
 من بُعدك إنتِ عن عيوني
 سهران بفكر
 مش قادر أنام
 ليه أنتِ غايبة
 وسايه فيّا
 الشوق معذبني
 دا أنتِ الأمان وأنتِ الحنان
 وأنتِ اللي في الحياة محبيني

بعشق وجودك
يا ذنيتي
يا ضحكتي
يا فرحتي
ياريتني أقدر
أبقي كونك
تنسي بيَّ
وأنسي بيك
كل البشر
وحياتي ليك
راح أعيشها
وجوا قلبي
وفي عيوني
يا حبيبتي
من عيونهم
آداريك

صحيت من نومي

مشهد رقم (١)

صحيت من نومي

علي صوتها

وهي تبكي

إنخضت

عليها جريت

وقولت لها

مالك احكي

دموعك ليه

ع الخد نازلة

ولونك مطفي

بصوت مخنوق

قالت لي فوق

أنا بشكي

لروحي حالك

مع حالي

وإهمالك لأولادك

وراس مالك

ولا جيت

في يوم سألت
وعرفت أنا مالي
وعايشة إزاي
ويومي اللي أنت
مش فيه
أنا فين بأقضيه
وعايش وحدك
مع نفسك
وقافل بابك
وناسي كل
أحبابك
وبنتك كبرت
وأحلامها كمان
كبرت
من غير ما تشوفها
أدامك
وابنك لما كان يطلب
حاجة أو لعبة
تبرق وتشخط فيه
ولا تعرف بيدرس إيه
ومش فاضي
ومش فاكر

غير بس
 اللي أنت ملهوف عليه
 ويا رتك
 بتفلق فيه
 بهيمة شايفها خدامة
 لسي السيد
 لا بد أرضيه
 مليش الحق أتمنع
 ولا أتمتع
 وأعيش اللحظة
 لو مرة
 وأحس بذاتي
 لو مرة
 وبتخلص
 جري في جري
 وسيجارة وراها سيجارة
 وتطلع برة
 تقضي الباقي من الليلة
 علي القهوة
 وترجع في وش الفجر
 تنام وتقوم
 ومن تاني تعيد الكرة

اكتب حروف اسمك

اكتب حروف اسمك

تَحَيَّي الخَط وتَنور

شَموع دَواوِيني

وتَبني في قلب كل كتاب

قصر

عشان تَبقي قُصاد عيني

وأشوفك دائماً في أحلامي

يا أيامي اللي عدت حلوة

ونفسي تعود لي وتَجيني

وأعيش علشانها خدامها

مصر

وطني اللي هواه بيحيني

وأعود م الغربة أحضنها

وأشوف الفرحة في عيونها

وتدي لي وأديها أمان دايم

وأحميها وتحميني

وأفرح فيها بأولادي

وشيء عادي

أصلي العصر

بصوت عالي وتهديني

ورود الحب بإيديها
وأنا من روعي أرويها
بجور الشوق وأغنيها
وأعوضها وتغيني
عن الترحال وكام موال
حزين مع قصة أرويها
وأحكيها وأغنيها
ودمع العين يغيني

المانجه بكام

المانجه بكام يا معلم
ولمين راح نشكي ونتظلم
أنا عيني بتبكي وتتألم
عشان الفلاح
طول عمره بيشقي ويعافر
ويعمل للأيام خاطر
للخطوه بيعسب مليون حسبة
وبتطلع صفرين في الآخر
الزرعة بيرويها بدمه
بيكلف ولا شئ بيهمه
علشان يتغلب ع العيشة
وفي الآخر تدينه وتعمه
العنب الأخضر والأحمر
ع الأرض يُفْرِط يتبحتر
مش لاقى التاجر اللي يشيله
والسعر!!
أرخص م الميّا اللي بسكر
المبيدات غالية ومضروبة
ع الفلاح شبكة ومنصوبة
والتجار بتبيع علي كيفها

ما هو ملهاش أسعار مكتوبة
 والرز إيجار أرضه بألوفات
 تنزيل شتلة وشتل وغرامات
 وقئيل لو جاب مصاريفه
 وحصاده يوم الحِسَابات
 الدمع يبسيل م الحسرة
 والقلب مكسور مية كسرة
 ع الظهر اللي إتخني م الشغل
 والأخر ملقاش فيه أجرة
 والثاني اللي زارع لي حُضار
 كوسة أة بتنجان وخيار
 مش عارف بيكي ولا يصرّخ
 وتملي الأحزان في الدار

اتعودت

اتعودت

إني أسامح

وأبعد قلبي عن الأحزان

اتعمدت

أعود روحي

قبل ما تبكي علي النسيان

أصل دموعي في عيني قريبة

كل مشاعري حاسسها غريبة

حب وعطف وصدق وطيبة

إخلاص دايم شوق وحنان

واتعلمت

إني أعيش مع نفسي لحالي

بس أحب الخير للناس

عمري ما قولت لحد أنا مالي

عمري ما قولت تعبت خلاص

واتندمت

أبدأ أبدأ

ولا يوم جيت وقسيت وظلمت

وقت القوة

في حد ضعيف إتحكمت

دائماً أطيّب خاطر كله
عمري ما أعاير حد واذله
ولا استسلمت
للي عايزني أعيش علي كيفه
وأجري عليه أول ما أشوفه
لا دا أنا ممكن أخليه يندم
ويكي بحرقه إني إتكلمت

يا زهرة العباد

يا زهرة العباد
زيك أنا لو غاب
نور الحبيب عني
أموت وأنسى الزاد
هو الحنان هو الأمان
هو اللي بَعْبُر بيه الزمان
وبعيش بِجُبه مهما كانت
قسوة الأيام
بشوف في عينيه كل الأمان
كلامه لِيَّا زي الأغاني
بيحرك الأحاسيس ويشجيني
بيهز وجداني
معاه بتوه وأنسي الهموم
وأنسي أحزاني
وأنسي الوجوه كل الوجوه
أهلي خَلاني
خَلاني أكون زي الطيور
أسبح في كون تاني
فوق السحاب بين النجوم
أفراح محاطاني

وأحلم بإيه غير إني ليه
وأخده في أحضاني
يا زهرة العباد طال البعاد
وعيونه وحشاني
إمتي يعود من غير وعود
وأتهني بيه تاني

بستناك

بستناك

وبعشق وجودي معاك

أنا بهوااااااك

بروحي بقلبي وعيونى

بتحلم بيوم رؤياك

حبيبي يا عمري يا وحشني

وهبتك روحى يا روحى

وكلى فداك

وبتمناك

تاخذني فى حضنك

وترميني فى بحر هواك

تنعش قلبي بكلامك

وتدفي كفوفى بسلامك

يا أحلى ملاك

ليه غايب بقالك يوم

ويوم عدي وكلى هموم

عشان مش بفرح ولا بضحك

غير وأنا وياااااك

حبيبي تعالى فرحني

وضحك قلبي امنحني

الدنيا فيها

الدنيا فيها العجب
والأعجب إحنا الناس
مليانه روحنا بتعب
مفقود فينا الإحساس
عايشين تملئ في شغب
وسراع في قلب الراس
وصدور شيطانها وجب
وسواس رجيم خناس
وقلوبنا عنها إتحجب
الحب والإخلاص
ويفيد بإيه الشجب
دا الحقد فينا أساس
فيه ناس تخاف م الحسد
وناس تخاف من ناس
وناس تبيع الجسد
وناس عليه حراس
فيه ناس تحب الطرب
وناس تحب الفاس
وآه يادنيا العجب
مرسومه في الكراس

الكل عنك كتب
ولسه فيكى بننداس
بنجرى ورا الأوهام
ونصدق الأحلام
ونقضى يومنا كلام
وأهو يوم وعدى خلاص
وبنيجي ع الغلبان
ونخط ع الشقيان
واللى جيبه مليون
بنشيله فوق الراس

انتظرت

انتظرت كثير مجاتيش
والوقت واقف مبيعديش
وقلبي وعيوني حيارى
من قلقي الدمع مفارقنيش
أنتِ عارفة!!
يا حبيبتي
رغم بُعدى
عنك أنتِ
قلبي أقرب حد ليك
كل لحظة بيناديك
لسه جنبك
بين إيديك
جى أصالحك
متعانديش
عودي ليّا
متخافيش
يا حبيبتي
كل يوم بسأل سؤال
أنتِ فينك من زمان
ياللى غاية عن عيوني

ياللى حبك صعب المنال
لما تبقى جنب منى
ببقى حاسس بالكمال
ببقي مالك الكون بحاله
جوا كونك نفسى أعيش
جوا حضنك نفسى أعيش
جوا قلبك نفسى أعيش
جوا عينك نفسى أعيش
دا أنتِ وحدك ليا وحدي
وغيرك أنتِ
خلاص مَليش

أنا عايز

أنا عايز أكتب قصتي
وأعمل كتاب
وأرسم ملامح ضحكتي
وأنسى العذاب
وأحط صورتك ع الغلاف
بنوته حلوه ماسكة وردة
قلبها عمره ما خاف
أنا شوفتها خدني الحنين
لعمر عدا من سنين
و كأني لسه مولود النهاردة
حسيت مشاعر جوا منها
وكلام كتير مالى عيونها
بتقولّى قلبى ملك ليك
و عمرى كله بين إيديك
فرحانة بيك/مشتاقة ليك
أوعى تسيبنى فى يوم وتبعد
هدعى عليك
أنا بجزبك بسمش قادره أقولها
وكمان عشانك ممكن أسهر أيام بطولها
أدارى فيك

أنت حبيبي تعالى خدني
أكيد حاسسني مشتاق لحضني
محتاج حناني / عايش عشاني
وأنا كمان عايشه بيك

حيثها بجد

حيثها بجد
وهى محبتنيش
سقيتها الحب
لقيتها عنيدة محستنيش
وبعدت عنى فارقتنى
ووسط الحزن سابتنى
زمانها ياقلبي نسيتهى
ومن غيرها إزاي هعيش
خدت منى ملامحى الورد
بقيت حاسس بحر وبرد
ومش قادر لروحى أرد
وخايف تانى لى متجيش

يااااا قلبي
أنا اللى ظلمتك
أنا اللى جرحتك
أنا اللى قسيت عليك
خليتك تحب
وتدوب فى الحب
حقيقى دا مش كذب
وبقيت أتدارى فيك

لأن أنا مش رومانسى
وكلامى تملى منسى
مايوصلش القلوب
عايز منه أتوب
وأتبرى من صفاتى
اللى فيها العيوب
يمكن أقدر أحب
تانى ويوم أتحب
وأعيش حياة جميلة
وأتهنى بالمحبوب
آه وأتهنى بالمحبوب

وبنحلم

وبنحلم على أد الإيد
والحلم طويل
وحياتنا من أصل وصورة
من غير تحميل
عايشين الدنيا بطبيعتنا
صبح وبالليل
والجيب متنفض ع الآخر
ويقولوا بخيل
علشان شايفيني من الصورة
والأصل قليل
لو حد حاول يدخله
ويعرف تفاصيل
معاناتي حياتي وأحلامي
ولحلمي يشيل
والناس بتجامل ع الفاضى
بُعنا ومواويل
وقليل جداً لو دمع
على حالك حد
تبقى أنت لو صادفت مرة
محبوب وبجد

وهتفرق لو فارقة روحك
جسدك وإتشد
على خشبة غسلك ومدد
والماء ع الأد
مع حالة مرتبطة بكونك
وقوام تتهد
وكأن الدنيا دي من بعدك
باب خير واتسد
وهتفضل تدعيك دائماً
ودموع ع الخد
م الحزن نازله وشغالة
بتتمنى تناديك وتزُد
لو مرة فيها تسمع صوتك
تاخذك بالحضن
وتعوض قلبك أحزانه
وتعاملك بالود

خلاص

خلاااص
فارقونا الحبايب
خلاااص
يا قلبي يا دايب
وضاعوا أغلى الناس
يا عيبين
ابكى بحرقه الدموع
لميبين
هنقيد بإيدنا الشموع
يوميين
عدوا ومفيش رجوع
وكأن بقالنا سنين
وآه
أنا عقلى منى تاه
معا
خد روحى والحياة
أنساه
إزاي وفين ألقاه
زئيه
حبيبي اللي بتمناه

الله
صبرنى ع اللى أنا فيه
مجروح
حبيبي يا رب داويه
غلطان
فى حقه ونفسى أراضيه
وأقول له
يا عمرى اللى فات نנסاه
وتعالى.. نبدأ صفحة من تانى
مفيهاش
غير حبي وحنانى
وبلاش
أكون أنا الجانى
على حب جوايا عاش
يا حبيبي
أرجوك تسامحني
بالله
ارجع لى فرحني
بهاوك
ما أنت عارفتني
غلبان
وقلبي وروحي معاك

مش كان

مش كان دا حالي قبل منك
مش كنت بيكي
مش كنت بهرب من عيون الناس
مش كنت بشكى
مش كنت خايف تهربي أو تبعدى
كان قلبي خالي
أنا عقلى تاه فى العيون الحلوة دى
وقلبي داب من نظرتك والضحكة دى
مش راح أسامحك
الله يسامحك
غيرتى حالى ودينى
وقفى عندك سكتى
مش بعرف أفرح غير لما أشوفك
وعيونى فيكى تلمح كسوفك
أنا بيلك عايش دينى
ومعاكى تظهر ضحكى
وبكون سعيد
قلبي حديد
وكل يوم بلبس جديد
وكللى طائر فى السما

فേഷان حبیبك یا أغلی حاجة

مش تبعدی

خلیکِ جنبی

جوا قلبي

أدام عیونی

اتنفسی اتنهدی

خلینی أعیش

وأغدی روحی بضحکتك

بجمال عیونك وبدلالك

وبرقتك

خلیکي هادیة یا حبیبتي

وكونی راضیة

مش تعاندى

مش تعاندى

هو أنتِ فيكِ إيه

هو أنتِ فيكِ إيه
لسه مخياها علينا
دا القلب فيه اللي فيه
يا دنيا ومكفينا
اهم ما يتلم
والفرح بيبكينا
وكمان ودا الأهم
الحزن معلم فينا
ملاحنا بقت تجاعيد
ويوم ورا يوم بتزيد
باين علينا الشيب
تشوفيه في رعشة إيدنا
ولا يوم حسينا براحة
أيام جاية ورواحة
جرى إيه بشو يش براحه
أرجوكِ نفسى تحسنا
دا إحنا اللي ياما اتحملناك
ع الصعب والمر معاكِ
عاشين وراضين بأذاكِ
ولا مره قولتى هتدينا

حبة فرح م اللي في جيبك
دا العيب دا عينا ومش عيبك
عارفين طباعك ألاعيبك
وعلى نفس خطاويك مشينا

هو إيه اللي أنتِ فيه

هو إيه اللي أنتِ فيه
 قلبي حاسك دارى بيه
 احكي اشكي قولى ابكي
 أنتِ ليه عنى تداريه
 دا إحنا ملناش إلا بعض
 بينّا عشرة وألف وعد
 والكلام عن أى بُعد
 اوعى تانى تذكريه
 دا أنتِ روجي وعمري أنتِ
 جوا قلبي خلاص سكنتي
 عمرك أنتِ في يوم ما هونتي
 وأغلى حد بخاف عليه
 مش عايز أشوف حزن في عيونك
 أنا حبيبك أنا ليك كونك
 عمري ما أبيعك عمري ما أخونك
 وأي جرح هنداوويه
 مش هسيبك تانى وحدك للياللي
 مش هسيب قلبك وباللك فيها خالي
 مش هسيبك عايشة وحدك للهموم
 وقلبي جواك تلاقيه

بيطيب الجرح اللي سابه
ويعوضك سنين عذابه
وقلبك من تاني حبيبي
يرجعله شبابه اللي فيه

وايه بقى اللي محيرك

وايه بقى اللي محيرك
شاغلك كدا ومسهرك
دا أنت حبيبي وبقدرك
فضفض معايا
احكي وقول لى ع اللي بيبك
مش قادر أشوف دمعة فى عينيك
أنا وقلبي بين إيديك
يا أجمل حكاية
متشيلش هم فى دنيتك
وريني تانى ضحككتك
أنا طريقك سكتك
وأنا البداية
لكل حلو بيناديك
لحلم نفسك ييقى ليك
صدقنى يا قلبى شاريك
دا أنت هنايا
هخذك فى قلبى وأحررك
من كل شئ بيععرك
وتدوب فى حضنى بسكرك
تملا هوايا

بكل حاجة حلوة فيك
حسنك جمال ضحكة عينيك
مش بحسبك الله عليك
دا أنا لو حسود تبقى النهاية
دا أنا لو حسود تبقى النهاية

بس أنتِ فهمتيني بتعدى
 على أحلامك
 نص كلامك
 دة أنا خدامك
 من نور قلبك نفسى أتوضى
 وعمري ما أكون غير إني بحبك
 روحي بتفرح داوية في قُربك
 أول شىء بتشوفه عيوني
 أنتِ وقلبك
 بس خلاص أنا هفضل ساكت
 أصل كلامي في عرفك باهت
 هفضل زي مانا يا حبيبتى
 عمر عيوني ما عنك نامت
 دايماً شايفك
 حاسك لامسك
 سامع ه...

لفيت بلاد

لفيت بلاد
طال البعاد
ومفيش وداد منك
ضاع الشباب
والشعر شاب
وأنا بعيد عنك
سيباني وحداني
الغربة وخداني
وأهين وآه ياني
دة أنا اللي من دمك
مولود علشانك
أحميلك أحزانك
وأعيش في أحضانك
في سرور وفرح وهنا
وأحس بالحنية
وخوف قلبك عليا
يا أقرب مني ليًا
يا أعلى من الضنا
لكن أنتِ مشيتي عكسي
وبقيتي عليا تقسي

صعبت عليا نفسي
 لما حبيتي غيري
 حسيت بالانكسار
 وحياة ذل ومرار
 قلبي من الحيرة نار
 علشان نكرتي خيرى
 وأنا عمري ما كنت بايع
 أنا شارى وحقى ضايع
 بتقولى عليا صايع
 ميت عندك ضميرى
 واللى بيسرق ملامحك
 سيباه ينهش فى لحمك
 روحى الله يسامحك
 مكانش العشم ياطيرى

اكتبي لي

اكتبي لي
خطى خطوة بخطى قلمك
اندهيلي
شاورى بالحرف اللى ناقص
قربي لى
يمكن أقدر أفهمك
تفهميني
أسعدك

آآآه وتسعديني
ليه تخلى الفجوة دى بينك وبينى
ليه بتبعديني
عايزانى دائماً زي ليل
ملهوش نهار
حطاني في الأرشيف تملي
جوا قائمة الانتظار
لو طالبتك يوم بحقي
يبقى واجب الإعتذار
مش مهم عندك إنتِ
مين هياخد القرار
مين هيقدر يمشى بيكِ

مين هيتحدى المسار
 مين هيبني المجد ليك
 مين هيخمد كل نار
 المهم عندك أنتِ تذلي قِيًا
 دى الحقيقة وباختصار
 دى الحقيقة وباختصار
 ليه يا قلبى ليه يا عمرى
 ليه يا حى
 دا أنتِ لو ناديتى فى أى لحظة
 أوام بلبى
 فىن سلامك فىن أمانك
 فىن حنانك
 دا أنا فىكِ بدوب
 وروحى تروح عشانك
 ليه يا غالية خيرك عنى
 مستخى
 لو لقيتِ فى يوم جواب
 عندك قولى لى

أنا إنسان

أنا إنسان والله طبيعي
بس الكون هو اللي اتغير
عيبي ياناس إني بكون صادق
هوالصدق دا ليه بيحير!!?
أنا مش بقدر أغش وأنافق
علشان منصب عمره قصير
جوايه رافض وأبقى موافق
مهما عليت وكبرت صغير
حتى في حي لحد بايعني
مهما وجعني ليه أتغير
حُبّه في قلبي هيفضل معني
بحاجات خلت فكري ينور
خلت عقليله يشجعني
وعليه دائماً أفضل أدور
بس صراحتي وصدقتي معاه
خلاه يفهم إني بخوّر
دايماً حاسس من جواه
إن أنا بحر وعلمي مطور
لكن أنا أقسم بالله
إنسان عادي ليه أتهور

وأعيش دور أنا مش بهواه
وأتحيل وأحلم وأتصور
إن أنا نجم عايش فى سماه
الشمس منه بتتنور
أيوا يا شمس بجبك آه
حب بجد لازم يتقدر
حب الأب إداه لظناه
حب الأخ لأخته السكر
عمر القلب ما هيسلاه
ولا يوم منه راح يضرر
ولا يوم منه راح يضرر

ذنبى ايه

ذنبى ايه
إن أنا
لا بحب ألف
ولأحب أدور
والحُسن نية
عندى أنا
بقدمه فى
كل الأمور
وبحب كل الناس
قلبى رقيق حساس
مليان دنى وإحساس
طيب ومش مغرور
قولتى إن أنا غلطان
رديت آسف ندمان
جرّحتى فيّا عشان
بقول كلام فى النور
وأنا ذنبى ايه يا بدور
قلبى يعيش محسور
وايه اللي كان مستور
نخاف تشوفه الناس

رغم إن كنت بقول
 إني بجد جهول
 بس إما قولتيها
 عرقي كأنه بحور
 حسيت بشيء جوايا
 مخنوق ورحى معايا
 بتبكي نفس بكايا
 جواها شيء مكسور
 مصدوم في إحساسى
 وقلبك القاسى
 مغفرش ليه ذنبي
 مع إنه مش مضرور

كنت مستنيك

كنت مستنيك
تقولى كلمة
أو تمدى إيدك
ليّا بالسلام
بس معدن قلبك حبيبي
بيبان وقت الخصام
بيقسي عليا عشان طيب
وفى كل وقت وأوان بقولك
حاضر وطيب
مش زي ناس
من غير إحساس
عايشين وخلص
ع الطيب بتعيب
أنا مش زعلان
لكن ندمان
إنى حبيتك
ومسيرنا للنسيان
وأحب ناس تانين
وإنّ يا عشق سنين
معرفش هتكوني فين

وقلبك هيبقى لمين
 بس هتشوفى ناس
 تدوقى نفس الكاس
 ودموعك الأماس
 من المرار نازلين
 وقلبك اللي هويته
 وكنت عشه وبيته
 ومن حنانى سقيته
 هيكون عليا حزين
 لما نتقابل
 أكيد هنتقابل
 وتشوفى بعنيك
 مين اللي جرح مين
 مين اللي جرح مين

الفهرس

- 5..... أنتِ حد غالي عندي
- 6..... لو بتفكرّ فيا
- 8..... يتوه الصبر مني
- 10..... هو الحب إيه
- 12..... في وقت ما كنت محتاج لك
- 14..... وجفت المشاعر
- 16..... وانقطع الاتصال
- 18..... أنا في انتظارك
- 20..... صحيت من نومي
- 23..... اكتب حروف اسمك
- 25..... المانجة بكام
- 27..... اتعودت
- 29..... يازهرة العباد
- 31..... بستناك
- 33..... الدنيا فيها

- 35.....انتظرت
- 37.....أنا عايز
- 39.....حييتها بجد
- 41.....وبنحلم
- 43.....خلاص
- 45.....مش كان
- 47.....هو أنتِ فيكِ إيه
- 49.....هو إيه اللي أنتِ فيه
- 51.....وإيه بقى اللي محيرك
- 53.....مهما كنت بحب وجودك
- 55.....لفيت بلاد
- 57.....اكتبي لي
- 59.....أنا إنسان
- 61.....ذنبي إيه
- 63.....كنت مستنيك

لو عاوز تحقق حلمك وتنتشر إبداعك وكل الناس
تقراه سواء شعر .. قصة .. رواية .. كتاب
اتواصل معنا وساعدنا نحقق معاك حلمك وحلمنا
إن كل مبدع يوصل للناس إبداعه..

يوريكا

حلّق خارج السرب

01288627690

eureka4publishing@gmail.com